

Kryetari i Lëvizjes Vetëvendosje, Albin Kurti, ka thënë se me marrëveshjen në parim për qeverisja të vendit nga PDK-ja dhe LDK-ja, nuk u diskutuan koalicionet por pozita e kryeministrit.

“Këta ishin dy trupa, një karrige, pa asnjë tru”, është shprehur ai, derisa ka shtuar se qeverinë këto dy parti e kanë ndarë si me thikë.

Sipas tij në këtë marrëveshje ka ndikuar ambasadorja amerikane, Tracy Jacobson.

Kurti në një konferencë për medie të mbajtur të enjten, ka thënë se është i bindur që Jacobson i ka premtuar Mustafës mbylljen e lëndëve që Komuna e Prishtinës, i ka dorëzuar në Prokurori kundër tij, përcjell koha.net.

“Mbrëmë ka pasur pazar me dosje, nuk e nguci PDK-ën edhe militantët e SHIK-ut, krimin e organizuar e korrupsionin e tyre e ato 70 lëndë të futen në frigorifer në mënyrë që të mos fillojë veprimi lidhur me to që mund të qoj të përgjegjësia e Mustafës”, ka thënë Kurti.